



21314

kat.komp.

III

Mag. St. Dr.

P


Stanislaus.

Podgorzki Samuelis Joannis: Aquila in petram
costo sublimiorem ad evitandam seculi nequam
pestem evolvans.

PANEG. et VITAE

Polon. Fol.

№ 872.



A Q U I L A

In Petram Cælô sublimiorem,
ad evitandam seculi nequam pestem

E V O L A N S,

In Virtutibus, Sapientia, Meritis,

PERILLUSTRIS olim & REVERENDISSIMI DOMINI,

D. PETRISTANISLAI
ORŁOWSKI,

Utriusq; Juris Doctoris, Prothonotarii Apo-
stolici, Ecclesiarum, Cathedralis Cracoviensis Ca-
nonici, Collegiatæ Tarnoviensis, Præpositi In-
fulati, & Officialis perpetui &c.

Viri, in utraq; Rep: immortalibus meritis,
spectatissimi,

dum magnis Ejus Manibus,

Inferiæ laureatæ in Ecclesia Collegiata S. ANNÆ
Cracoviæ, ritu solenni,

ab Ordinibus Academicis persolverentur,
à Mnemosyne Iagelonica,

Operâ

M. SAMUELIS JOANNIS PODGORSKI,
Phil: Doct: Regii Professoris, Collegæ Majoris, Ca-
nonici ad S. ANNAM, Curati in Osiek,
S. R. M. Secretarii.

ad imitanda tantæ integritatis exempla,
dolenti pennâ,

O B S E R V A T A.

*Annô, Aquila magnarum alarum, Draconem pestiferum
suffocantis. 1709. die Aprilis. 7. xxi. 10.*

Videamus *AQUILAM*, nidum spei in arduis construentem, qui ait: nostra conversatio in cœlis est; Et rursus; qui conresuscitavit, Et consedere nos fecit in cœlestibus. In arduis habet nidum, quia profecto supernis figit consilium, non vult mentem ad imum deicere, non vult per abjectionem conversationis humana in infimis habitare.

S. Greg: 31. Moral: cap: 19.

Spera in Deo, Et ipse te velut *Aquila*, in altissimo collocabit nido, ne possit venenatorum serpentum conatus pertingere. Sic enim de *Aquila* dicitur, quòd pullos suos, altissimo nido recondat, quò nullum venenatum irrepere possit.

S. Thom: Villanov: Conc: 2. in Dom: 1. Quadr.

Iustorum animæ *Aquilis* comparantur, quòd alta petant, humilia derelinquant.

S. Ambros: lib: 3. in Luc.



21.314 III

ILLUSTRISSIMO, EXCELLENTISSIMO,
& REVERENDISSIMO DOMINO,

D. CASIMIRO
à Lubna

ŁUBIENSKI,
Dei, & Apostolicæ Sedis gra-
tiâ, Episcopo Chelmenfi, Se-
de vacante Episcopatus Crac:
& Ducatus Severiensis Gene-
rali Administratori, Abbati
Czervienfi, Testamenti,
pientissimi Testatoris,
faventissimo

PROTECTORI,
Mæcenati meo, omnibus gratitudinis titulîs,
Colendissimo, Amplissimo.



Quilam non ignoratâ viâ
virtutum, & meritorum ad
Petram Mysticam, Cælô su-
blimjorem, ex pestifera Sar-
dina deterioris ævi evolan-
tem, Tibi Phænici Præfulum venerabun-

dus offero, Illustrissime, Excellentissime & Reverendissime Domine. Pertinebat & hoc magnum pietatis opus, ad sollicitudinem Tuam Pastoralem; ut animus ille, quem semper firmum, & immobilem, in veneratione & dilectione Tui, & conglutinatum, velut animam David Ionathæ, agnoveras; etiam post obitum, veriùs abitum suum, in sinu protectionis Tuæ quiesceret. Magnitudinem rerum, quam viuatâ tamdiu Sede Craciâ gessisti ô Præful! hoc etiam celebrabit bonorum omnium elogium, quòd more majorum Tuorum, Primatiali celsitudine, & Plocensibus aliisq; tiaris, fulgentium, zelosissimus Iurium, & immunitatis Ecclesiasticæ Assertor, ultimarum voluntatum, & extremarum Tabularum unicus Patronus existas. Non indigemus, quâ olim Censor Divorum indigebat, ad cor humanum, fenestrâ; quia Phæbô meridianô clariùs perspeximus, propensissimum in Testatorem, Tuum paulò antè in Themidis folio Surrogatum, gessisse affectum; & hoc in primis votis fuisse cordi Tuo, boni publici amantissimo; ut Vir ille, Præfulum oculus, os & lingua, aureus Tripos utriusq; Iuris, Saturnium vixisset ævum :

vum: verum quia seculi labem pertæsus,
Divino nutu ad præmia, & coronam, quam
ei reddet Iustus Iudex, emigravit; hoc sal-
tem in suis optatis relinquere testatus est;
ut Tu Præsulum Gemma, Summus in utraq;
Diœcesi iustitiæ apex, Canon & Regula,
hoc agas, ac boni æquiq; consulas; ut
pientissima intentio, datô fidelibus præ-
stitibus, desuper collatæ potestatis præ-
fidiô, in omnibus & singulis coronetur.
Ingens hoc, beneficentiæ, ac benevolen-
tiæ, in defunctum dimidium animæ, do-
cumentum, inter alia innumera Pontificiæ
adoreæ Tuæ, ac immortalium meritorum
decora, connotabit, & fastis perennibus cõ-
signabit æternitatis diphtera. Servata fides,
& luculentissima charitas, quæ sola major
est omnibus virtutibus, sola Cælestis Patriæ
privilegiato incolatu inhabitatrix & heres,
mensura gloriæ, in Beatissimis illis Geniis,
Heredibus Dei, Coheredibus Christi, authẽ-
ticum perhibebit testimonium, Te illum
Præfulem esse, qui antiquam Pontificum pi-
etatem, & amorem in gregem, ac potissi-
mum, quos Charismata Cælestia magis ornâ-
runt, ac entheus spiritus utiliores Ecclesiæ
monstravit, instauras. Qui inquam Divi-

no more, immortales esse etiam post mortem, ipsorum pia intenta protegendo; substantiamq;, quæ est alter sanguis, in suffragia animarum, alimoniam pauperum, Ecclesiarum subsidium, ordinatam; ne Harpiis infesti, Clero seculi in spolium cedat, defendendo; autoritate, scientiâ, dexteritate, & prudentiâ, cunctisq; viribus anhelas. Numen Te Supremum ô Magne Præsul! inter depravatæ politiæ procellas, periclitantis, Ecclesiæ, & Patriæ Navarchum faxit, & conservet; ut CASIMIRVS inter tot casus miros fatalium temporum, sis Columna Domûs Dei, & serus in Cælum rediens, videas Aquilam volantem per medium Olympi. Hoc precatur

ILLUSTRISSIMÆ EXCELLENTISSIMÆ



REVERENDISSIMÆ DOMINATIONI TUÆ,

Humillimus Servus & Client,

M. SAMUEL JOANNES
PODGORSKI.

AQUILA

in Petram Cælò sublimiorem

EVOLANS.

Instabilis rerum humanarum stabilitas,
Quid agis?

In quantis periculis securam te arbitraris?

Naufragium est, ubi portum existimas.

Dies nefastos candidò notas calculò.

Seculum, quo nullum deterius,

Saturnium te vivere censes.

O fucum! ô cerussam mendacem!

inter tot funera vivacitatem sibi gratulari;

inter arma furentis Gradivi Ianum clausum venerari.

Veneramur quidem Clusium, & Patulium simul:

Hunc ad tumulos, illum ad ostia ædium,

intimos penetrantem penetrales.

Age placita ô Geni!

Simula, dissimula:

Triumphales tuas fige Columnas,

mox ædepol sua mole ruituras.

Attendis? quid de hac Babylonica fabrica,

enuntiat Divinior Cynthus:

Omnia esse vana, & vanitate vaniora.

Hæccine tumultuantis genii felicitas?

Casibus stare, ruinis firmari, mortibus vivere?

At (inquis?) orietur post hæc nubila Phæbus.

O votum Iovis calculò dignum!

Nisi obstaret seculi malignitas.

Quippe in capulari Orbis senio,

quam Sybillam inveneris?

quæ faustiora polliceatur?

O mature in adolescentia vates!
quam abominationem fatidico ore prædixeras,
jam rorido vultu incipimus spectare.

Sacra adyta, pulvinaria Divûm, Pergama,
tota Lechica Troja,
nil nisi fumus, & funus.

Commune in Patria exilium patimur,
extorres & exsortes.

Nisi; fortè & hoc inter solatia reputemus;
quòd una omnes maneat fors pereundi:
quia una lex ligat cunctos, vivere sine lege.
Oh singulare rationalis creaturæ donum Libertas!
in quo nunc Orbis Poloni angulo latitas?
Prostas ubiq; , & nullibi reperiris.

O Diva!

quantopere es dissoluta, & quantopere ligata!

O nos liberos Lacones!

licet tam grandi ære capita redimamus.

Mutuis armis & rapinis consumimur;
& tamen inter Assertores Camillos, censeri cupimus.

Atro sonipedi insidens falcata Libitina,
ubiq; funesta struit Capitolia;
nos Æliopæana intonamus.

Cicutam, & Sardonychen bibimus;

& quasi nectare poti, Democritos agimus.

O quàm lati, Parenti Patriæ, nobisq; parentamus!

Hæc equidem pestis seculi,
omni toxico nocentior,

sentientibus, & consentientibus nobis,
fortunam, honores, vitam aufert.

In hanc Sardiniam Andabatæ sponte ruimus:
quia virulentos angues discordiarum
in sinu fovemus.

O quàm de nobis verificatur sanctior Cyrrha!

Et infecta est terra in sanguinibus,

& contaminata est in operibus eorum. Psal. 105.

Felicior Aquilinus Genius

Perillus

Perilluſtris olim & Reverendiſſimi Domini,
D. PETRI STANISLAI
ORŁOWSKI,

Vtriuſq; Iuris Doct̃oris, Prothonotarii
Apoſtolici, Eccleſiarum, Cathedralis
Crac: Canonici, Tarnoviensis Præ-
poſiti Infulati, &c.

Qui cum hoc virulento Dracone,
vict̃ricem luctam affiduò gessiſſit.

A teneris virtutum amuleto armatus,
nullam ſeculi nequam peſtem amiſſit.

Appage coronatum virus Mithridatem!
beatior vita ORŁOVII;
qui omne aconitum vitii abhorruit.

Porro ut ſecurior à tumultu ſeculi degeret;
Divino nutu nidum ſtruxit in Petra AQVILA hæc.

Firmitudinem ejus inconcuſſam,
ab oraculo æternæ Sapientiæ didicit;
nec portas inferi contra eam poſſe prævalere.

Jam ignoſce Podlachia,
bonarum mentium Mater, & fortium nidus es:
non ſoli tamen tuo, natus eſt ſoli ORŁOVIVS.

Explorandus, Aquilæ Polonæ committitur.

Rupes Cracias pro aprico Theatro naçtus,
nunquam à Phæbo pupillam deflexit.

Talpæ ſunt pleriq; ad publicam lucem.

Vix alii ſerpunt ad culmen virtutis;

ORŁOVIVS oculatior Argô,
ut voluit, volavit ad ſumma probitatis, & doctrinæ.

Augurè, & aruſpice nemo indiguit,

Vocatine à Domino par Nobile Fratrum,
PETRUS & MATHÆUS ORŁOVII?

Prognostica enim & diagnostica ſigna,
erumpens è vultibus ſimmetria virtutum, prodebat.

In Palæstra benemerentium Arcades ambo,
pari passu ad coronas cucurrere.

Lucernâ Cleanthis non indignere;
quibus AQVILA Gentilitia, pro capite auroram gessit.
Nulli etiam Herculeo parcentes labori,
nulli in arena Literaria herbam porrexere.

Felices Animæ,
quibus innata indoles, non sævus Orbilius
calcar addidit ad omnem profectum.

Felicior Berecynthya Vniversitas Cracoviensis,
quæ tantis Præsulibus, Cathedris, & Dioccesibus,
lumina & columina ORLOVIOS, educavit.

Quàm insignis, horum Divum Virum virtus!
quam Cœlites coronarunt.

Alterum enim ADALBERTVS nido Gneznensi,
alterum STANISLAVS rupi Vavellanz coaptarant,
Docuit posthac tempus rerum magister,
quomodo hi gemini Tyndaridæ,
suis in Sphæris radiarint.

Ab Aquilis olim aves cum Laureis portari,
vel ipsas laureatas apparere,
festum faustumq; omen fuit.

ORLOVII gemina lauru redimiti,
Lechicis Athenis victorias animorum prælagiebant.
In Illis paludata incescit Regina mentium luada;
per Illos in utrisq; exedris triumphabat.

Vtriusq; Sapientiæ facile Coriphæi,
Philosophos & Theologos,

se, moribus, vitâ scientiâ, conscientiâ monstravere.

Adjunxit suasitq; discendam sacram Legum peritiam,
Oraculum Themidis, U. J. Doctor & ocellus,

TRZEBICIANI OLORIS Auditor
ANDREAS GRABIANOVIVS.

Et certè cognato ORLOVIO Sanguini,
non hanc duntaxat, sed pene animum inluffavit.

Mens Viri fuit major Ecclesiarum utilitas.

Divinos enim Platones,

etiam

etiam extra Athenas plures inveneris,
rarissimos Aristides.

Totus Orbis forum controversum, factus,
feliciter regitur Canonibus;

quàm inextricabilibus formalitatibus.

Callere quid sit Materia prima?

in numerato habere entium locustas,

colloquia Angelorum rimari,

curiosum sane, & bonum est;

solidius, meliusq; non ignorare,

quomodo tribuendum sit unicuiq;, quod suum est?

Et hæc est æviterna adorea tua,

Sacra Legum Scientia;

quòd pacis publicæ sis auetrix, custos, & soror.

Iustitia enim & pax osculatae sunt:

quòd Majestatum sis assistrix & assistrix,

recti regiminis doctrix & doctrix.

Æquè orbi malum est,

carere solè, ac iustitiâ.

Vibrate jam aculeos Sacræ Themidos Antistites,
ô Mezentii!

Claudite iustitiæ adyta, diruite areopagos.

Quid ergo erunt Regna, nisi publica latrocinia?

Triumphabit molevolorum audacia,

Trophæa eriget vesana licentia.

Imò venerabundi ad aram Divæ,

arrectis auribus, & anhelò corde,

discite iustitiam moniti, & non temnere Divos.

Porro vel umbram PETRI spectate,

quàm illustris est?

congregatarum à GRABIANOVIO Virtutum, & Sapientiæ,

ex asse Heres,

Non Auditorem Legis, sed factorem se exhibuit.

Iustitiam uti commune bonum nemini denegavit.

Principia Iuris non theoricè tantum,

sed etiam practicè docuit.

Publicè, & honestè vivens neminem læsit.

Novo mandato apprimè obtemperans,
etiam inimicis amicissimus fuit.
Virtutem etiam in hoste laudavit, præmiavit, coronavit.

Quodsi ulcisci placuerit,
summa Viro Nemesis, ignoscere.
Vultus ejus velut effigies pacis:
*Molliti sermones ejus super oleum,
sed ipsi nunquam jacula.*
Ira, furor brevis neutiquam cor Viri invasit,
Nemo illum vidit torvum, nisi contra vitia,
Livor, tabificum malis venenum,
etiam ab hac Aquila procul!
quæ, & de sui laboris præda,
minores aviculas aluit.

A Rege alitum,
Multis gratitudinis tesseram redditam, compertum est.
Germanus hic est ORLOVIO genius.
Pro triente benefacti, vel obsequii
assum rependit.

Plures Aquilarum ope à fati servatos
enuntiat Ælianus.

ORLOVIVS, afflictis, in gravissimis casibus
commune asylum.

Alii, cum Cæsare illo, pollicitis ditissimi,
etiam sceptrum Jovis promittunt.

Ille nihil promisit, nisi affectum effectus sequeretur.

A plerisq; *probitas laudatur, & ælget:*
imò odiosa ut infernus æmulatio,
dignam aureis candelabris lucernam,
sub medio premit.

Sunt plures ejusmodi soles,
qui soli apparere gestiunt,
[minorum luminum splendorem extinguentes.

Vastæ charybdes omnia absorbent,
ut ne tabula quidem nudis Palinuris supersit.

Abhorruit tale cacòèthes ORLOVIVS.

Omnis Ejus conatus,
ne erudita probitas egeret.

Virtuti nunquam deesse volens,
bonarum mentium acerrimus promotor extitit:
distributô, in promovendos ad Laureas,
GRABIANOVII peculiô,
etiam sua ope, opibusq; egenæ Palladi consuluit.

O quot amara fame cruciati!
Suxerunt mel de hac Petra, & oleum de saxo!

Et quia omnia ex Tripode dixit, & gessit;
ideo magnis nominibus planè inviscerari meruit.

LILIUM innocentiae, & Sapientiae,
NICOLAUS OBORSKI,

Laodicen: Præsul, Suffraganeus & Offici-
alis Generalis Cracoviensis,

inestimabiles Viri dotes miratus,

Eum in partem laborum cooptavit.

CANCELLARI, in Consistorio Munere functum,
tanquam alteram **COLVMNAM** nactus,
per multas aristas, Ejus prudentiae incubuit.

Nempe bellè novit **LILIATVS** Antistes,
cum absoluta Scientia Canonum, Styli, & Processûs,
summam Viro inhæsisse integritatem.

Vtinam sartis textilq; rebus nostris servassent Te Superi,

IOANNES MALACHOWSKI,

Pientissime Præsul Cracoviensis, Dux Severiæ,
Universitatis Jagelonicæ Cæcellarie faventissime,
& Mecænas munificentissime, Senatorum Gemma.

Plus quàm tribus Gratiis effusum Nomen Tuum,

in Rempublicam, Diocesim, Academiam,

ast & in **ORLOVIUM**.

Plaudebant coronati Vavelli Penates,

novam Gemmam tribus Coronis suis inseri.

Sed maximè applaudebat Heroicis virtutibus

Achatis sui,

Vir primæ Authoritatis, Cor, & Anima Capituli,

GASPAR CIENSKI, Decanus Cracoviensis.

Triumphale *Caput Uri* exaltavit cornu in gloria,

gaudens coronari merita **PETRI**.

D

Lapis

Lapis igitur hic Aquilinus,
Tuis ô Præsul manibus! tiarâ capiti Ejus impositâ,
factus est nedum Tarnoviensis, sed & Cracoviensis Ecclesiæ
in caput anguli.

Mira ejus virtus in eos,
qui concipiunt dolorem, & pariunt iniquitatem,
Iam in genijs Politicorum Machiavelli deliria,
prævalere cæperant Evangelicæ veritati:
jam pressura Patrimonii Christi cristas attollebat.

Hæc fuere initia dolorum.
Consummata tandem iniquitas,
Magnô IOANNE Triūphali Monarcha,
ad Superos evocatô.

E cardinibus mota immunitas Ecclesiastica,
per sædissimum sædus militare.
Missa est posthac sub hastam Hereditas Dei.
Non una myriade Causarum Generalis Auditor,
PETRUS, ut cautes Marpesia stetit.

Ut antè, ita illa tempestate,
Prætoriam dignitatem ita gessit;
ut coram illo, vel ipse jura petisset Cato.
Labantibus rebus, quid agendum erat?
Accingendus **PETRUS** strictius
FASCIA PASTORALI.

Quid Petrus?
In tota Poloniæ Palæstina,
pro Christo capiendo videns novum Gethsemanum,
& quot raptores bonorum Ecclesiæ, tot Iscariotas,
gladium spiritualem evaginari consuluit.
Indignos censuit veniâ & absolutione,
qui Christo Patri, Ecclesiæ, Patriæq; Matri, non pepercissent.

O IOANNES Gratiosissime!
ex semine gratiæ gloriam cape.

Acta res est.
Effugisti seculi depravati pestem.
Ingressurus domum æternitatis, quæsieras fortè?

SIMON

SIMON JOANNIS, PETRE amas me?

at ipse factò respondit: *Tu scis, quia amo te.*

Profectò & hic Petrus, amore Dei proximiq; Cephas,
Sacrificiorum & orationum clavibus cælum Tibi aperuit:

quod, ut perpetuò pateret;

Anniversarias inferias Kielciis fundavit.

Romana Legatio

quâ, Fecialis hic Tuus functus, Cyneam superaverat,

Tibi triumphum gratiarum,

apud Monarcham sacrorum conciliavit;

Sibi Lauream Themidis reportavit.

Firmiorem in via sanctitatis reditum ne ambigas.

Totus Petreus redit, totus Paulinus.

Vas Electionis & Ipse,

portavit Nomen Domini coram gentibus.

Mira Methamorphosi

nunc Aquilam, nunc Columbam egit.

In foraminibus P E T R Æ,

innocentiam mentis ubiq; circumvehens,

auctam signatam q; annulò PISCATORIS

in Patriam revexit:

Vicario Christi ALEXANDRO VIII.

Animorum Triumphatori,

mox INNOCENTIO XII.

acceptissimus.

Cardinibus, Principibusq; Ecclesiæ,

quia Magni IOANNIS Nuntius, undiq; gratosus,
nedum responsa, sed dona Sacratissima accepit.

O dona pretiosiora his, quæ Regina Austri
obtulit Salomoni!

Ossa Sanctorum sunt muri Regnorum,

Thesaurus gratiarum, asylum & munimen.

Vtrumq; adduxit PETRUS, & decus & præsidium.

Infelix Polonia,

non unius Nemesis turbidinibus agitata,

mediante PETRO summam acquisierat felicitatem,
in Sancto Felicissimo Martyre.
Totus hic, & integer cum signaculo triumphi sui, authentico,
in Poloniam transire voluit cum amplissimo comitatu Heroū;
ut præmeditatam à malevolis infecitatem amovisset.

Sic PETRUS Crania, Brachia, Crura & alia insigniora
quadraginta trium Martyrum Lipsana,

S. Felicissimo conjungi postulavit;
ut tantis culminibus subnixæ Patria, firmior stetisset.

Stetisset sanè velut Tarpeia rupes,
Fortunæq; non veteris Romanæ, sed Polonæ ædes,
ævum egisset;

si Fides Patria, & conscientia robur habuissent.

Verum, quia inolevit novi Apollinis dogma;
Liberum esse, qui fuerit inobediens Deo, Regi, Legi;

Cælibus mansit honor, & gloria,
terrigenis ingratis indeficiens ærumna,

Illic malorum.

O lares! O Penates! O Tutelares! O Numina Patriæ!
ubi nunc prostatis O fausti Genii!

Quem vocet Divum populus ruentis imperij rebus?

Omnes, & nullum:

cum tot Davi nullos curent Divos.

Agnoscite callidiores vulpecule demolientes vineam Domini.

contempto non semel dato Superis, Sacramento,
omnem celsitudinem contemni, deprimi & conteri.

Deus est, Remunerator est, Iudex est.

Reges in ipsos imperium est Iovis.

Unicum timendum est;

ne nostram quoq; Hierosolymam deserant Sancti Tutelares,

& dicant: *Exeamus hinc, discedamus hinc.*

O os de ossibus nostris, & caro de carne nostra!

Princeps Poloniarum Beatissima CVNEGUNDIS

ædificetur costa tua à PETRO, allata in Heroidem;

Mater viventium sis Polonis,

qui duplici morte moriuntur.

Posside homines per Deum!

In salis abundantia, Poloniæ per Te illata,

sale caremus.

In

Inter tot Consos, conventicula sua struentes,
Gens absq̃, consilio est, & sine prudentia,
cogitaverunt consilia, quæ non potuerunt stabilire.
Utinam saperent, & novissima considerarent!

Super hanc noxam seculi altum ingemuerat,
Sūmus Cyllenius Majestatum, suadæ Civilis & Sacræ Triūphus,
GEORGIUS ALBRACHTUS DENHOFF,
S.R.I. Princeps, Crac: Antistes, Dux Severiæ,
Regni Poloniæ Cancellarius.

Nec aliter Pontificium pedum in Vavello figere voluit;
quàm ut PETRVS Auditor, potiùs Adjutor laboris esset.

Sic hæc Columba innocentia, PETRÆ,

& PETRA Columbæ peroportuna fuit.

O breves Deliciæ Diœcesis!

Flos decidue Ducalis Sanguinis,

Magne Præsul!

in osculo Dei obiisti, sicut Moyse:

PETRA Te consequente, votis, lachrymis,

& non unâ incruentâ Hecatombe.

Oculus ergo Regum & Legum custos,

adjungere omnia videnti Argo,

Qui totus Oculus est, Deo.

Septem etiam oculi super unum Lapidem,

id est Charismata SS. Pneumatis fiant in coronam PETRO.

Novum hoc Sidus Aquilæ,

luceat in Cælo in perpetuas æternitates:

Tu verò Inclŷta Collegiata Tarnoviensis,

orationem funde sine intermissione pro PETRO.

Infula Tua hæcenus inter parietes hæserat,

nunc ampliorem Phœbum visura;

Iubar honoris per totum Officialatum extendit,

PETRO pro hoc splendore Romæ agente.

Tanto honori eriget se in arcum triumphalem,

ILLVSTRISSIMA TARNOVIORVM LVNA,

testis in Læbico cælo fidelis,

ecclypsin meritorum nunquam passa.

Tota Civitas attollet trophæa,

E

ORLO-

ORLOVIO sideri.

Splendor Ejus in apparatu decoris Dei,
ut lux erit indeficiens.

Coccum, purpuram, & byssum,
in Ephod tunicellarū, in superhumeralia, opere polymito ornata,
aurum gemmasq; in tiaras, & Rationale congeffit hic Aaron.

Augustum hoc liberalitatis decus,
fulcit & ornat, virga Pastoritia ponderosior,
Principibus metallis, arte, cum myrothecis speciosa.
Quidquid Antistitem, & aram rite & apprime ornat,
auxit, tulit, & obtulit Numini ORLOVIVS.

Hierotheca, maximum in parvo Sacramentaliter complexura;
fulgore auri & argenti, opulenta nitēbit.

Monstratorium novum, caris Cimelis ornandum,
monstrabit in SS. Synaxin pietatem, in Sponsam amorem.

Non uno arrhabone subarrhata Sponsa hæc,
Solemne liberalitatem ORLOVII declarabit;
dum Sancta Sanctorum, ejus Sponsi Præpositi, ingredientur.

Sacra monilia, geminæ Crucis aureæ,
quot lapidibus pretiosis micant,
tot charitatis Ejus carbunculos, & adamantes designant.

Lipsanothecæ argenteæ,
pro servandis & exponendis reliquiis,

BB. JOANNIS CANTII & CUNEGUNDIS,
candorem lucis æternæ promittunt.

S. CAROLUS BOROMÆUS, sacelli Patronus.

SS. HOSPITIBUS ROMANIS, Poloniâ sospitantibus,
affabrefactos loculos,

in obtentu Cælestis loci gratificatur.

Christus deniq; ipse,
in Icone sua eburnea immobiliter collocatus;
non in imagine, sed facie ad faciem,
se visendum PETRO monstrabit.

Monstrabit se & Phidiæ Seraphico, WĘGRZYNOVIO,
qui ANTONII Thaumaturgi Nomen, fortè & spiritū nactus,
planè miraculum artis in figura CRUCIFIXI exhibuit,
sicut in aliis manu factis, & oraculis scriptorum exhibet.

Nondum habes columnam terminalem calame,

in ORŁOVIANIS munificentiae monumentis.

In candelabris argenteis,
lucebunt, ardebuntq; lucernae charitatis.
Horologium directioni devotionis accommodum,
non horas, sed annos aeternos,
una cum musicali instrumento sonabit.

Reliqua hujus Ecclesiae ornamenta,
in stolam gloriae cedent aeternam.

Illam si notari voluit?

fecit; ut succedanei, paria amulentur charismata.
Majora his in antecessum sub rosa reliquit ORŁOVIVS.

Ingens elogium ratus, solum benefecisse:

Sed habent & rectefacta voces suas,

Sat vocalis Memnon pium exemplum:

nam non clamor, sed amor cantat in aure Dei.

Respondebit huic, Charitatis Vestrae echo,

Magni Infulatae, Collegiataeque Tarnov: Praelati & Canonici,
quando beneficii memores,

PETRI animae annuatim parentabitis.

Immortalis Ille etiam in terris futurus;
dum in cordibus vestris natalis Ejus reflorescet.

Renovata jam hujus Aquilae juvenus,
sub patrocinio Augustissimae MARIAE DEIPARAE,
Orbi in vitam natae, cui se, suaque dicarat.

Hausistis & vos de PETRA fontes,
quantum calamitoso tempore licuit,
Sacrae Communitates Mystarum, & Religiosorum Tarnov.

Nullum praeterit Ipsius liberalitas;
nullius etiam desit pro anima vorum.

Optans, ut & umbra Ipsius, utilis esset omnibus,
in honorem Collegii Apostolici,
duodecem alumnos literis idoneos, eligi curavit.

Tales nempe, quibus indoles omnia spondet,
paupertas omnia negat.

Habes inter spinas publicae egestatis Tarnovia,
quo vulnus lenias, quo animum soleris.

Sive urbani fuerint, sive suburbani, filii tui,
non est cura ORŁOVIO,

si virtutes fuerint p̄ares, cultusq; Minervæ.
Talibus honestam educationem, & culturam animi
provideri voluit eâ lege;

ut in Collegiata Tarnovien: sacris assistentes,
ab adolescentia discant portare jugum Domini.
Colorem griseum in amiētū ordinavit,
ut parvi Samueles à teneris assuescant,
evanidam mundi cerussam contemnere.

Vos Nosocomii languidi incolæ,
sicut vivus ore & ære, solatus est PETRVS;
ita defunctus largiori eleēmosyna cumulavit.
Fecit quod potuit, vos facite quod debetis.

Verū quid mirum, hunc Nilum,
in propiores Ecclesias, & Xenodochia
plusquam septem ostiis defluxisse?
dum copiosior Ejus alveus, etiam distantia irrigârit.

Parochialis Ecclesia Siedlcensis,
præter Hierothecam argenteam Eucharisticam,
gaudebit CANTIANA Particulâ,
quam Aquila hæc in Theca argentea,
alis beneficentiæ suæ deferri curavit.

Eidem Ecclesiæ, annexum Hospitale pauperum,
fortitum est mysticum & Divinum in millibus numerum,
ut habeat paupertas, quo suum relever languorem.

Visitavit gratia B. JOANNIS CANTII,
& Ecclesiam in Oppido Makobody Diœc: Luceor:
PETRO illuc IOANNEM unâ cum Calice introducente.
Ecclesiæ Paræcianæ, Kosocicen:, Czulicen: Moravicen:
Calicibus argenteis deauratis, donatæ.

Sic ORŁOVIVS in Ecclesiarum decora, effusus,
ut ubi vel ad regenerationis gratiam evolaverat,
vel ubi Pastor successivè nidum fixerat,
tesseram retributionis reliquerit.

Hæc beneficentiæ documenta,
vel ipse liberalitatis apex Beatissimus MARTINVS Præsul,
pauperum & debiliū Sacerdotum Cracoviæ Protector,
etiam exeunte ad Superos Petro posteritati commendabit.

Sacræ Religiosorum Familiæ,
quarum

quarum nullam beneficiô suô vacuam esse voluit,
vel Spiritu S. de Saxia monente, saxum AQVILÆ attollent.
in quos, præter in commune erogavit eleëmofynas,
insigni subsidio privatas personas cumulavit;
omnes desiderium PETRI jugiter exequentur.

Lilia convallium, sacri Parthenones,
apparebunt flores etiam in Terra vestra,
rigante vos beneficentia ORLOVII.

Aliquot denique amici, & clientes,
solidius in archivo ORLOVIANI pectoris,
quàm in tabulis, & codicillis aurò descripti,
in perenni memoria, & data & Datorem portabitis.
Atheniensem de gratitudine legem, grata reassumet posteritas.
Inscribet fastis ORLOVIVM non Timonem fuisse,
nec sibi nec aliis utilem;

sed medullitus contendisse, omnibus omnia fieri.
Fuerit hæc infelicitas aliorum,
qui rerum suarum incurii,
substantiam à se quæsitam vel opulentis cognatis relinquunt,
ut magis luxurient;

vel absq; ulla dispositione, vitâ functi,
rapinis, furtis, aut jurgiis ansam præbent.
Perspicacior AQVILÆ nostræ oculus:
ut in vivis ordinatissimè sese gesserat;
ita in exitu ad Patriam, æquè prudenter ac feliciter,
cuncta disposuit.

Discant mortales!

quibus majora talenta desuper conferuntur,
quodq; bonum debere esse sui diffusivum:
discant soles non sibi eos lucere, sed aliis,
& ecclipticam rectæ ordinationis semper tenere.
Alta mente reponant Pigmationes,
æquè infaustum esse congregare iis, quos ignoraverint,
& prodigere collecta in ingratos, ac inutiles.

Tu verò penna evolans in Vavellum,
lustra pietatem ORLOVII.
Irruerunt plusquam Tænaria mala in Poloniam:
sacra profanaq; undiq; permista.

Capitolium Sarmaticum à novis Senonibus captum,
Ioves ipsi sacratiores, Martis arbitrio subiecti,
grande lytrum litaverunt.

PETRVS tamen grandi Numismate,
quasi ex piscis præcordiis extracto,
pro Christo, iterum in membris suis mysticis captivo,
& pro se, opus hoc redemptionis iavit auxitq;
Quantum verò consiliorum, laborum, fatigationum,
pro fartis tectisq; rebus totius Dioecesis impenderit?
æternitatis fasti enuntiabunt.

Anagogicos actus & lachrymas Ejus,
ad aras pro miserando populo effusas,
jam in obryzum & gemmas, cælum mutavit.
Vos benefico Cecrope destitutæ,
Craciæ & totius Lechiæ Athenæ,
nonne potius AQVILAM hanc, quam veteres Noctuum,
pro Insigni portabitis?

Rapitur illa in extatâsim,
stupens Palladium hoc meritis immortalibus vetustissimum,
à paucis coli, à multis destitui, à plurimis impeti.

Cotem virtuti eruditæ non addi,
imò Diviniores Platones urgente egestate,
in Cynicos abire.

Fuerat hæc olim, etiam furenti Gradivo humanitas;
ut cognato Numini Apollini,

mansuetioribusq; Camænis parceret.

Hodie novô furoris percitus æstrô,
quasi primam prædam, offamq;

Parnassum aggressus.

Quidquid in escam & minerval, destinatum est,
siccantibus jugi labore, ossa & sanguinem,

Musarum Cultoribus,

totum sub hastam misit & abligavit.

Helicon ipse in Hæmum conversus,
sub ruinis vix semivivos præ inedia

Socrates ostentat.

Puissimæ illæ Magnorum Mecænatum mentes,

Athe-

Athenarum Fundatrices, auctrices, Protectrices.
suis intentis, defraudatae,
indoluerant tot Marones plus quam metricis pedibus arctari.

O si luctuosum quasi ex condicto
utriusq; Reipublicae Statum,
redivivi triumphales spectaretis Monarchae!
Magne CASIMIRE, VLADISLAE JAGELLO,
SIGISMUNDI, STEPHANI, VLADISLAI!

nec Poloniam in Polonia,
nec Academum Vestrum in Academo reperiretis.

Tu ipse Jupiter olim tonans in Oriente,

Magne JOANNES,

fulmina mitteres novos in Gigantes,
quibus nihil sanctum est, ne caelum quidem.

Reginarum & Heroidum Poloniae Corona,

Augusta HEDVIGIS, Pallas nostra,
peculium Tuum Reginale, in Collegia, impensum,

Phago rerum, iniquum tempus consumpsit.

Stator Universitatis PETRE WYSZ,

Præsul Cracoviensis,

simulq; in Cathedra Academica Canonicae veritatis oraculum.

Adhareat lingua faucibus nostris,

si non meminimus Tui.

Verum fors Tuæ pietatis, curâ actum est.

ut revolutione prope quatuor seculorum,

PETRVS post PETRVM ex cinere Phœnix Benefactorum

prodiret ORLOVIUS.

Hic primo Collegio Tuo Juridico,

quindena millia florenorum donavit;

ne jejuna mensæ textus,

glossæmata Iurium acutiùs explicanda impediret.

Mox in Basilica S. ANNE Mettertiæ,

magnifico sumptu Sacellum erigi curavit;

ut & hæc Anna, liberalior Romanâ,

defectui nostro provideret.

Et quia malignitas temporum,

nec Cantiano peculio parcendum suaserat,
ne Ejus apotheosis exinde patiatur incommodum;
insigne in auro subsidium destinavit.

Collabens tandem Collegium Majus,
similiter aurea liberalitate fulciri voluit,
Columna universi nostri PETRVS.

Mettertiam Aviam Christi, ut orationibus, ita & donis suis
mysticè veneratus est.

Addidit Horologium argenteum instar sphæræ fabricatum,
post ferreum seculum;

auream vel saltem argenteam revolutionem,
Matri suæ peroptans.

Minutiora hæc omnia,
quæ & Minori Collegio destinavit;
nisi etiam & scriptam tesseram gratitudinis reliquisset,

Hic est ORLOVII, velut oloris cantus,
ultimis tabulis consignatus;

quem omnes grati legite, audite, imitemini:

*Quoniam verò in primo respectu habendus est locus,
gratificationis acceptorum beneficiorum (si quæ potest dari
gratificatio) Altrici Matri meæ Almæ Universitati Cra-
coviensi, quæ ingenium meum bonis artibus, & honestissi-
mis disciplinis expolivit, & successivè per gradus Acade-
micos ad patentem portam, viâ virtutis & doctrinæ, usq[ue]
ad capessendum Canonicatum Cracovien: provexit, quò-
me Divina Providentia in hoc candelabro Principis Ec-
clesiæ, istius Diœcesis indignum locaverat; pro Canoniza-
tione B. IOANNIS CANTII. &c.*

Porro exinanita in pios usus substantiâ,
etiam corpus laboribus attritum,
hecticâ demum exinaniri sine querela vel murmure passus est.

Hactenus nempe PETRVS servabatur in carcere,
cupiens dissolvi, & esse cum Christo.

Venit tandem septimus supra sexagesimum annus,
quo per Angelum, liberatus est de corpore mortis hujus.

Diminutus corpore, auctus spiritu;
ut per angustam portam citius transiret.

In PETRA nempe sublimiori Cælo,
requies AQVILÆ nostræ in æternum.
Solis justitiæ adæquatum, & principale Objectum,
Ejus obtutui repræsentari piè credideris;
ad quod visendum, duabus charitatis alis volavit.

Tibi ergo inprimis vota desuper filialia mittit,

Vicaria Dei in terris Potestas,

Pontifex Optime Maxime

C L E M E N S XI.

ut inter tot fluctus tempestatesq; sonoras,
felicissimè & diutissimè Navem Ecclesiæ gubernes.

Singulari Providentiæ, dispositione,

Tibi Christus clavum sui Imperii commisit;

ut vel solâ clementiâ victor,

super aspides & basiliscos ambules,

& conculses Leones & Dracones.

Vive æternum PATER, cum Purpurato Senatu.

Tibi Ter Coronate Vavelle,
maneant corona ultima, Cælo.

Signum triumphale STANISLAI Præsulis Tui,

quod in Gentilitia tessera gestavit,

Constantiniam Tibi victoriam & gloriam adferat,

contra novos Maxentios.

CAPUT Tuum aurum optimum,

omnium æstimatione, summis honoribus dignum,

Ordinaria potestate in capite libri scribatur.

Antiqua sed non effata virtutum & studiorum Mater,

Magellonica Univerſitas,

aucta, doctissima Prole,

durando secula vincat,

Cineribusq; PETRI Artemisiam agat.

Sequeris pone Præstitum, ultimarum Tabularum,

Sacer Quaternio,

Comitaris AQVILAM pernicibus votis,

usq; ad Civitatem in quadro positam.

Primum Te in corde & Tabulis scripsit PETRVS,

5902

G

Perit-

Perillustis & Reverendissime Domine,
M. MARTINE WĘGKZYNOWICZ,
Sacrae Theologiae & U. J. Doctor ac Professor,
Prothonotarie Apostolice, Ecclesiarum Cathedralis Cracov:
Canonice, Collegiatarum, Kielcensis Custos, Pilecensis
Archidiacone, & S. R. M. Secretarie.

Tu Columba innocentiae,
assiduò in foraminibus hujus PETRAE morabaris,
Tu omnes volatus AQVILAE observabas;
ex quibus Tibi faustissimum omen,
& grande ac liberale Nomen succrevit.
Piladem & Orestem non jactet antiquitas,
nec Castorem & Pollucem;
arctius Te PETRO junxerat amor;
qui Te Romam usq; cum illo perduxit.
Minervam eruditi capitis Tui, ad Minervam Romanam,
publica disputatione Theologica probasti;
ut Purpuratis Proceribus monstrares,
etiam in Polonia Ioves esse Pallade factos.
Meruit illa publica crisis ingenii Tui,
ut Doctor Theologus in Patriam redires,
bonis avibus, quia AQVILIS comitatus.
Modo in distans immensum Empirei, idem amor Tuus evolet,
observetq; viam AQVILAE in Caelo;
etiam post obitum operum Illius Coadjutor,
ac post seram factorum seriem, in polo Corregnator.

Perillustis & Reverendissime Domine,
DOMINICE FRANCISCE LOCHMAN,
U. J. Doctor, Canonice Cathedralis,
& Archipresbyter Iufulate Cracoviensis.

Illud amicitia sanctum & venerabile Nomen,
quod non interrupto fœdere cum PETRO coluisti,
abitus Ejus loculenter probat.

Non totus moritur, qui in corde vivit amicorum.

Imò integer in pectore Tuo vivit PETRVS;

cujus facta executione, & imitatione,

apud Te sunt immortalia.

Sup-

Superi Dominicum gregi Dominico diutissimè fervent.

Perillustis & Reverendissime Domine,

M. PETRE PRACZLEWIC,
S. Theologiæ Doctor & Professor, Collega Maior,
Ecclesiæ Cathedralis Cracoviensis Canonice, Præposite
SS Omnium Crac: Pilecensis Decane, Vniversitatis nostræ
Procancellarie, Librorum per Dioecesim Crac: Censor.

quia Nomen Testatoris apprime gessisti;

etiam evolante ad Divos Ejus spiritu,

Salve, valeq; diu, è Cælo audis.

Te velut Tarpeium saxum in Rectoralibus Officiis,
nulla commovit procella.

nulla movebit & in amore PETRI.

Perillustis & Reverendissime Domine.

M. JOANNES STANISLAE JAROSZEWSKI,
Præposite Insulate, & Officialis perpetue Tarnovien:

Fortis claudis agmen Pientissimorum Præstitum,
quorum corda, AQVILÆ pupilla apprimè perspexit.

Vires Tuæ Ecclesiæ curis onustæ,

vel inde fortiores probantur;

quòd amore, more, ore, & re PETRAM portare sufficiant.

Scribe ergo hac in PETRA, æternam memoriam ORLOVII;

ut cuncta Videntem videat in æternum.

Tu verò Nobilium Turba Quiritium,
certa ter germinis PETRUM tollere honoribus.

Quæ nimirum felicior Salomone,
viam volantis AQVILÆ ad Olympum non ignorâsti;

ut eâdem sine offendiculo curras, voleq;

ad solem Iustitiæ visendum,

Echo ad Petram, reflexa compellat:

Orbis amor, niveusq; pudor, mors, gloria, tempus

Præterit: ergo Deum quare, perrenne Bonum.



D. O. M.

Siste gradum Viator.

Lapis iste vocalis est.

Si curiosus es, multa disces;

Si plus, habes, quod imiteris.

PETRUS STANISLAUS
ORLOWSKI,

Juris Utriusq; Doctor, Prothonotarius Apostolicus, Ecclesiarum, Cathedralis Cracoviensis Canonicus, Collegiatae Tarnoviensis
Præpositus & Officialis INFULATUS,

Hic situs est, & non situs:

Quia illum totum, locus iste capere nequivit.

Extra mundi Macedoniam,

quætere aliud Regnum iussus est.

Ad Sexagesimum Septimum ætatis suæ Annum,

telluris incolæ fuit, & non fuit;

quia conversatio Ejus erat in Cælis.

Virtutes Ejus ne quæseris,

totus enim Virtutis Icon exitit.

In Academia Cracoviensi,

eum alias scientias, tum leges & Canones,

ex assè didicit, & quasi non didicit;

quia nihil se arbitrabatur scire,

nisi JESUM CRUCIFIXUM.

In Generali Consistorio Cracoviensi,

per multas aristas, Cancellarius, Judex

surrogatus, Commissarius Apostolicus,

duorum MM. Præsulum Cracoviensium,

JOANNIS MALACHOWSKI,
GEORGIJ ALBRACHTI DENHOFF,

generalis Causarum Auditor,

planè Intelligentia videbarur;

nisi Eum summa erga omnes humanitas,

hominem fuisse indicasset.

Substantiam magnis laboribus quæsitam,

habuit & non habuit:

quia totam, in Ecclesias, pauperes, amicos, erogavit.

Has nempe habuit opes, quas distribuit.

Huic Collegiatae prope triginta annis præfuit,

& summè profuit.

Nam primus honorem ejus, usu Pontificalium, splendore

supellectilis, copiosè auxit.

Tandem præmisso ad superos Fratre MATHÆO,

relictis plurimis virtutum exemplis,

& munificentia monumentis,

Mortalis esse desijt.

Annô Salutis 1708. Die 10. Januarii.

Tu Viator pijs Manibus bene precare.



T. XIX. 26.

Biblioteka Jagiellońska



stdr0019228

